



Broj: 02-11-2633/20-AP-3
Datum: 21.9.2020. godine

Na osnovu člana 39. Statuta Općine Zavidovići ("Službeni glasnik Općine Zavidovići", broj: 5/08 i 5a/08), Odluke o izvršavanju Budžeta Općine Zavidovići za 2020. godinu („Službeni glasnik Općine Zavidovići“, broj: 12/19), Zaključka Općinskog načelnika o usvajanju Programa utroška sredstava prema Odluci o izvršavanju Budžeta Općine Zavidovići za 2020. godinu planiranih na poziciji Tekući grantovi Službe za upravu društvenih djelatnosti i opću upravu, broj: 02-11-369/20 od 05.02.2020 godine i tačke III Odluke o korištenju sredstava za dodjelu stipendija redovnim studentima prvog i drugog ciklusa studija sa područja općine Zavidovići za akademsku 2019/2020.godinu, broj: 02-11-2633/20-AP-2 od 18.09.2020.godine Općinski načelnik Zavidovići raspisuje:

K O N K U R S

za dodjelu stipendija redovnim studentima prvog i drugog ciklusa studija sa prebivalištem na području općine Zavidovići za akademsku 2019/2020. godinu

Pravo učešća na konkursu za dodjelu stipendija u akademskoj 2019/2020. godini imaju redovni studenti prvog i drugog ciklusa studija (redovni koje finansira osnivač visokoškolske ustanove i redovni samofinansirajući) sa prebivalištem na području općine Zavidovići, koji studiraju na visokoškolskoj ustanovi u Bosni i Hercegovini i van Bosne i Hercegovine pod uvjetima:

- da nisu ni u kakvom radnom odnosu,
- da ne koriste usluge smještaja i ishrane u studentskim domovima koje sufinansira nadležno ministarstvo bilo kog nivoa vlasti,
- da ne primaju stipendiju u/iz BiH po bilo kom drugom osnovu,
- da ne obnavljaju godinu studija,
- da nisu u statusu apsolventa,
- da nisu studenti koji su u akademskoj 2018/2019.godini ostvarili pravo na stipendiju kao studenti prve godine studija a u akademskoj 2019/2020.godini su ponovo upisali prvu godinu studija na nekom drugom fakultetu,
- da nisu već bilo kada pohađali istu godinu studija (ranije studiranje ili promjena fakulteta),
- da student i njegovi roditelji ili bračni drug imaju prebivalište na području općine Zavidovići.

Uz **uredno popunjenu prijavu** na konkurs studenti su dužni priložiti sljedeću dokumentaciju:

1. Uvjerenje o državljanstvu (ne starije od šest mjeseci)
2. Prijava prebivališta (ne starija od šest mjeseci);
3. Uvjerenje da je kandidat prvi put upisao odgovarajuću godinu studija u statusu redovnog studenta (obavezan podatak o ciklusu studija i semestru);
4. Za studente prve godine prvog ciklusa studija svjedodžbe I-IV razreda srednje škole;
5. Za studente prve godine prvog ciklusa studija dokaz o izboru učenika generacije u srednjoj školi;
6. Za studente druge i viših godina prvog ciklusa studija uvjerenje visokoškolske ustanove o svim položenim ispitima tokom cjelokupnog prethodnog studija s izvedenom prosječnom ocjenom, uključujući i ispite položene u akademskoj 2019/2020.godini;

7. Za studente drugog ciklusa studija uvjerenje visokoškolske ustanove o svim položenim ispitima tokom cjelokupnog prethodnog studija s izvedenom prosječnom ocjenom, uključujući i ispite položene u akademskoj 2019/2020. godini (kao dokaz o položenim ispitima u prvom ciklusu studija moguće dostaviti dodatak diplomi, ukoliko postoji izvedena prosječna ocjena);
8. Izjava o zajedničkom domaćinstvu-kućna lista (ovjerena u šalter sali grada/općine, ne starija od 6 mjeseci)
9. Dokaz o statusu i primanjima za sve članove domaćinstva (za zaposlene uvjerenje pravnog lica o prosjeku posljednje tri mjesečne plaće, za privatne poduzetnike uvjerenje nadležne porezne ispostave o izmirenim poreznim obavezama vlasnika samostalne djelatnosti i uvjerenje o ostvarenom dohotku za 2019. godinu; za penzionere kopija posljednjeg čeka od penzije; za nezaposlene uvjerenje Službe za zapošljavanje, za nezaposlene koji nisu na evidenciji Službe za zapošljavanje kopija zdravstvene knjižice, za redovne učenike/studente uvjerenje o statusu; za članove domaćinstva mlađe od 6 godina, koji nisu školski obveznici, kopija izvoda iz matične knjige rođenih bez dodatnog ovjeravanja i neovisno od datuma izdavanja dokumenta).

Napomena: Kandidati čija ukupna mjesečna primanja porodice po članu domaćinstva prelaze 300,00 KM, što znači da ne ostvaruju bodove po osnovu prihoda, nemaju obavezu dostavljanja dokaza o statusu i primanjima za svakog člana domaćinstva, a smatraće se da je dokumentacija potpuna.

10. Dokaz o socijalnom statusu (studenti bez oba roditelja i studenti sa invaliditetom);
11. Dokaz o pripadnosti romskoj nacionalnosti (izvod iz MKR-ih);
12. Ovjerena izjava kandidata da ne prima stipendiju po bilo kojem osnovu u/iz BiH, da nije ni u kakvom radnom odnosu i da ne koristi usluge smještaja i ishrane u studentskim domovima koje sufinansira nadležno ministarstvo bilo kojeg nivoa vlasti, te da nije bilo kada već pohađao istu godinu studija tokom ranijeg završenog ili prekinutog studija na nekom od fakulteta,
13. Kandidati koji studiraju izvan Bosne i Hercegovine dužni su dostaviti uvjerenje koje izdaje visokoškolska ustanova prevedeno na jedan od službenih jezika BiH, kao i informaciju o sistemu ocjenjivanja, ukoliko se razlikuje od sistema ocjenjivanja u BiH.
14. Kopija bankovnog računa.

DOKUMENTI KOJI SE DOSTAVLJAJU KAO DOKAZ O ISPUNJAVANJU USLOVA MORAJU BITI ORIGINAL ILI OVJERENE KOPIJE OSIM ZA ČLANOVE DOMAĆINSTVA MLAĐE OD 6 GODINA

Napomena: Komisija može zatražiti od kandidata dodatnu dokumentaciju, radi utvrđivanja svih potrebnih činjenica radi dodjele stipendije.

Konkurs ostaje otvoren 15 dana od dana objavljivanja na Oglasnoj ploči i web stranici Općine Zavidovići.

Obrasci prijave (zahtjeva) i izjave mogu se preuzeti na INFO centru Općine Zavidovići i web stranici Općine.

Prijave sa potrebnom dokumentacijom dostavljati putem Pisarnice Općine Zavidovići ili poštom na adresu: Općina Zavidovići, Služba za upravu društvenih djelatnosti i opću upravu, ulica Safvet-bega Bašagića, 72220 Zavidovići, sa naznakom „stipendija“.

Nepotpuna i neblagovremeno prispjela dokumentacija neće se uzimati u razmatranje.

OPĆINSKI NAČELNIK
Dr. sci. Hašim Mujanović

